

經

義

述

聞

經義述聞弟六

高鄧王引之

毛詩中五十五條

毒懷靡及 維其偕矣 是以有譽處兮 我心則休
選徒跼跼 會同有繹 謂我宣驕 夜未央 其
下維薄 君子攸芋 玃維魚矣 旄維旟矣 不敢戲
談 有實其猗 執我仇仇 甯訓爲乃 終踰絕險
曾是不意 哿矣富人 率者崔嵬 旣伏其辜
淪胥以鋪 云不可使 人之齊聖 不離于裏 昊
天罔極 有捄棘匕 佻佻公子 日旦出 維北有
斗 盡瘁以仕 率土之濱 我從事獨賢 其德不

猶我庾維億 赫齡者茅蒐染韋也 彼交匪敖
萬福來求 竝受其福 是謂伐德 至于已斯止
無自暱焉 茗之華芸其黃矣 何人不矜 宣昭義
問 自土沮漆 率西水滸 曰止曰時 予曰有奔
奏 芄芃械機 作之屏之 其灌其栴 依其在京
臨衝閑閑 適追來孝 以燕翼子

每懷靡及 周爰咨諏 周爰咨謀 周爰咨
度 周爰咨詢

引之謹案。小雅皇皇者華篇。左傳謂有五善。國語謂有
六德。而其說小異。襄四年傳曰。皇皇者華。君敎使臣曰。

必咨於周。臣聞之訪問於善爲咨。咨親爲詢。咨禮爲度。
咨事爲諏。咨難爲謀。臣獲五善。敢不重拜。所謂五善者。
咨也。詢也。度也。諏也。謀也。魯語曰。皇皇者華。君敎使臣。
曰。毋懷靡及。諏謀度詢。必咨於周。敢不拜敎。臣聞之曰。
懷和爲毋懷。咨才爲諏。咨事爲謀。咨義爲度。咨親爲詢。
忠信爲周。君況使臣以大禮重之以六德。敢不重拜。所
謂六德者。毋懷也。諏也。謀也。度也。詢也。周也。左傳之五
善。則無毋懷與周而有咨。國語之六德。則有毋懷與周
而無咨。此其不同者也。毛傳誤以五善六德合而爲一。
故其說曰。毋雖懷和也。忠信爲周。此二句用國語訪問於善爲

咨咨事爲諏。

此二句用左傳。

咨事之難易爲謀。咨禮義所宜爲。

度。

此二句合用左傳國語。

親戚之謀爲詢。兼此五者雖有中和當。

自謂無所及成於六德也。夫五善無周有周則六善矣。六德無咨有咨則七德矣。傳列周咨諏謀度詢凡六事而曰兼此五者加以懷爲中和之德。凡七事而曰成於六德。欲彌縫五善六德之參差而參差愈甚。失之矣。然其說猶以每懷爲懷和。備六德之數也。至箋則曰春秋外傳曰懷和爲每懷和當爲私。又曰中和謂忠信也。五者咨也。諏也。謀也。度也。詢也。雖得此於忠信之賢人猶當云己將無所及於事則成六德。於是以懷和爲懷私。

損諸六德之外與國語之文不合而又以中和爲忠信

則是以懷和之訓強附於忠信爲周

古無謂忠信爲中和者故孫毓曰忠

信自是周之訓何得以釋中和

國語及毛傳皆無此意且曰雖得此於

忠信之賢人猶當云已將無所及於事則成六德則是

以忠信爲周與苒懷靡及合爲一德既乖國語之文又

失毛傳之意矣韋昭注國語亦承鄭箋之謬其注懷和

爲苒懷曰鄭後司農云和當爲私注咨才爲諷曰才當

爲事引左傳咨事爲謀注咨事爲謀曰事當爲難引左

傳咨難爲謀注重之以六德曰六德謂諷也謀也度也

詢也咨也周也改和爲私而六德遂亡其一益之以咨

則又六德之所無也。改才爲事。改事爲難。皆強取左傳之文以說國語而不知五善六德其說各異不可比而同之也。

維其偕矣 飲酒孔偕

家大人曰。廣雅曰。皆嘉也。皆與偕。古字通。

湯誓。予及女皆以孟子梁

惠王篇作偕。秦風無衣篇與子偕行。漢書趙充國辛慶忌傳贊作皆。小雅魚麗曰。維其嘉

矣。又曰。維其偕矣。賓之初筵曰。飲酒孔嘉。又曰。飲酒孔

偕。偕亦嘉也。語之轉耳。荀子大略篇曰。禮云。禮云。玉帛

云乎哉。詩曰。物其指矣。唯其偕矣。不時宜。不敬交。不驩

欣。雖指非禮也。荀子以時宜敬交驩。欣爲偕。是偕與嘉

同義。

是以有譽處兮 式燕且譽 韓姑燕譽

蓼蕭篇是以有譽處兮。集傳引蘇氏曰：譽，豫通。凡詩之

譽皆樂也。引之謹案：蘇氏之說是也。

昭二年左傳：季氏有嘉樹焉。宣子譽

之。服虔注曰：譽，游也。引夏諺曰：一游一譽，爲諸侯度。今

孟子梁惠王篇：譽作豫。趙岐注曰：豫亦遊也。引春秋傳

曰：季氏有嘉樹，宣子豫焉。是豫譽古字通。爾雅曰：豫，樂也。豫安也。則譽處安

處也。蓼蕭之譽處，承燕笑語兮而言之。裳裳者華之譽

處，承我心寫兮而言之。呂氏春秋孝行篇注曰：譽，樂也。

南有嘉魚曰：嘉賓式燕以樂。車輦曰：式燕且喜。又曰：式

燕且譽。六月曰：吉甫燕喜。韓奕曰：韓姑燕譽。射義引詩

則燕則譽而釋之曰則安則譽皆安樂之意也箋悉訓
爲名譽之譽疏矣。

我心則休

家大人曰菁菁者莪篇我心則喜我心則休休亦喜也
語之轉耳箋曰休者休休然休休猶欣欣亦語之轉也
周語爲晉休戚韋昭注曰休喜也廣雅同呂刑曰雖畏勿
畏雖休勿休言雖喜勿喜也說見前雖休勿休下楚語曰敎之世
而爲之昭明德而廢幽昏焉以休懼其動言喜懼其動
也釋文正義竝訓休爲美失之。

選徒跽跽

車攻篇之子于苗。選徒跼蹌。毛傳曰。跼蹌聲也。唯數車
徒者。爲有聲也。正義曰。下云有聞無聲。則在軍不得謹
謹。而云跼蹌。故知唯數者。爲有聲。引之謹案。選具也。字
本作僎。說文云。僎。具也。又云。與具也。與與僎古同聲。周
官內饔。選百羞醬物珍物以俟饋。謂先具百羞等物以
俟饋也。字亦作撰。大司馬羣吏撰車徒。謂具車徒也。並說
見周官。此言選徒亦謂具卒徒。襄九年左傳使華臣具正徒。史記司馬
相如傳。王駕車千乘。選徒萬騎。謂具騎兵萬人也。高誘
注淮南脩務篇曰。蹌。眾也。十月之交篇。蹌口蹌蹌。箋曰。
蹌蹌。眾多貌。此言蹌蹌。亦是眾多之貌。言所具之卒徒。

蹢蹢然衆多。非謂數車徒者之聲蹢蹢然也。

會同有繹

赤芾金曷。會同有繹。毛傳曰。繹。陳也。家大人曰。訓繹爲陳。雖本爾雅。然會同有陳。於文義似有未安。繹。甚盛貌也。此承上赤芾金曷而言。言諸侯來會。其服章之盛。繹繹然也。商頌那篇。庸鼓有敔。毛彼傳曰。敔敔然盛也。廣雅曰。驛驛盛也。文選甘泉賦。注引韓詩章句曰。繹繹盛。見繹敔驛並通。凡言有者。皆形容之詞。故知繹爲盛貌。

謂我宜驕

鳩鴈篇。維此哲人。謂我劬勞。維彼愚人。謂我宜驕。毛傳

曰宣示也。引之謹案。宣驕與劬勞相對爲文。劬亦勞也。宣亦驕也。昭二十九年左傳。廣而不宣。宣與廣義相因。宣者。侈大之意。直而不倨。曲而不屈。通而不偏。遠而不攜。遠而不淫。復而不厭。哀而不愁。樂而不荒。用而不匱。廣而不宣。施而不費。取而不貪。處而不底。行而不流。義皆上下相因。杜注以不宣爲不自顯。失之。易林需之萃曰。大口宣舌。大有之蠱曰。大口宣脣。又小畜之噬嗑。方喙廣口。井之恒。作方喙宣口。是宣爲侈大之意。宣驕猶言驕奢。非謂宣示其驕也。箋曰。謂我役作眾民。爲驕奢。於義爲長。

夜未央 夜未艾 夜鄉晨

家大人曰。庭燎首章。夜未央。毛傳曰。央。旦也。箋曰。夜未

央猶言夜未央央也。顏師古匡謬正俗曰。按秦詩蒹葭篇云。宛在水中央。禮月令云。中央土。並是中義。許氏說文解字云。央中央也。一曰久。是則夜未央者。言其未中也。未久也。今關中俗呼二更三更爲夜央。夜半。此蓋古之遺言。

案唐時俗語。不可以證經。今人亦無呼夜半爲夜央者。

毛公訓央爲旦。亦

未知出於何典。而鄭君直釋云。未央央。不解未央何義。按俗語云。未央央。亦言未遽央。遽與渠同言。未遽中耳。

古詩云。調弦未遽央。卽是其事。康成不能指明其義。

案

渠央乃漢人常語。不須訓釋。

而更曲引未央。復加以猶言。適合學者

不曉其意。案顏說非也。夜未央者。夜未已也。楚辭離騷

時亦猶其未央王注云央盡也

廣雅同

九歌爛昭昭兮未

央注云央已也

廣雅同庭燎釋文引說文央已也二字

盡亦已也

管子輕重丁篇云買人蓄物而賣爲讎買爲取市未央
畢央畢皆盡也呂氏春秋知化篇云其後患未央是古
人謂未已爲未央也夜盡則旦故毛云央旦也鄭云夜
未渠央亦是此意今以未央爲未中則與下文不合朝
禮辨色始入夜未中而朝我未之前聞也古詩調弦未
遽央央亦已也豈未遽中之謂乎正義以旦爲夜屈之
限是也

呂氏春秋安臥篇注屈盡也

而又從王肅以未旦爲夜半則

非釋文旦作旦音七也反又子徐反尤非據王肅以未

旦爲夜半。則毛傳之本作旦甚明。段氏若鷹毛詩傳小箋云。且薦也。凡物薦之。則有二層。未且猶言未漸進也。此曲說不可通。

二章。夜未艾。傳曰。艾。久也。箋曰。芟末曰艾。以言夜先雞鳴時。案毛以夜未艾爲夜未久。則反在未央之前。誤矣。鄭云。芟末曰艾。近之。而又以爲先雞鳴時則非也。朝禮辨色始入。不得在雞鳴之先。子謂艾亦已也。已央艾一聲之轉。夜未艾猶言夜未央耳。襄九年左傳。犬勞未艾。杜注云。艾。息也。哀二年傳。憂未艾也。宣十二年傳。憂未歇也。歇。息艾皆已也。正義云。未艾。先於雞鳴未央又在

其前亦非。錢氏曉徵答問據爾雅訓艾爲歷。謂五夜未更歷。則夜上須加五字矣。尤非。

三章。夜鄉晨。箋曰。晨。明也。上二章聞鸛聲爾。今夜鄉明。我見其旂。是明之時也。案晨。謂昧爽時也。鄉。猶方也。字亦作嚮。隨象傳。君子以嚮晦入宴息。謂方晦入宴息也。夜鄉晨。亦謂夜方晨也。凡將明未明謂之晨。故明亦謂之晨。義相因也。此言庭燎有輝。則晨是未明之時矣。晨。說文作晨。云。早昧爽也。周官司寤氏。禦晨行者。鄭彼注云。晨。先明也。晨在明先。故星尚可見。周語云。農祥晨正。是也。宣二年左傳云。晨往。寢門闢矣。盛服將朝。尚早。坐。

而假寐成十六年傳云。楚晨壓晉軍而陳旦而戰。是晨爲未明之時也。天未明則夜未已。然則夜鄉晨猶言夜未央夜未艾耳。至辨色始入旌旂可見則在晨之後矣。鄭訓晨爲明亦失之。夫歌之爲言也。長言之也。長言之則一倡三歎而不病其複。此三章皆言早朝之事。文雖異而義則同。若必以未央未艾鄉晨分先後則庭燎之光庭燎晰晰庭燎有輝豈亦有先後乎。凡三章同義者詩中往往有之。緇衣云。敝子又改爲兮。敝子又改造兮。敝子又改作兮。爾雅云。作造爲也。蒹葭云。蒹葭蒼蒼。蒹葭萋萋。蒹葭采采。傳云。萋萋猶蒼蒼也。采采猶萋萋也。

若斯之類不可枚舉。知類通達是所望於後之君子焉。

其下維穉

傳曰。穉落也。尚有樹檀而下有穉。尚與上同箋曰。檀下有穉。

此猶朝廷之尚賢者而下小人。引之謹案二章其下維

穀。傳曰。穀惡木也。則此穉字亦當爲木名。非落葉之謂

也。穉疑當讀爲穉。廣雅。穉。穉。穉以整切。穉也。士喪禮。決用正

王棘。若穉棘。鄭注曰。王棘與穉棘。善理堅刃者。皆可以

爲決。夏官。繕人。釋文。穉。劉音澤。又音亦。一音徒洛反。徒

洛反之音。與穉相近。故借穉爲穉。蓋檀可以爲輪。爲輻。

穉亦可以爲決。穀亦可以爲布。爲紙。見陸機疏。皆適於用者。

也。首章曰：其下維樗。二章曰：其下維穀。言在下者非無可用之才。在王之用之而已。下文他山之石可以爲錯，傳以爲舉賢用能，其義正相承也。

君子攸芋

斯干篇風雨攸除，鳥鼠攸去。君子攸芋。毛傳曰：芋，大也。

箋曰：芋，當作幬。幬，覆也。其堂室相稱，則君子之所覆蓋。

引之謹案：訓大訓覆皆有未安。芋，當讀爲宇。宇，居也。

縣篇：芋來胥宇。桑柔篇：念我土宇。魯頌閟宮篇：大啟爾宇。傳並曰：宇，居也。承上文言約之，挾

之。於是室成而君子居之矣。鄭注大司徒敝宮室曰：謂

約挾攻擊風雨攸除，各有攸宇。

疏曰：宇，居也。

彼處云云，皆約

舉詩辭攸字。卽攸芋也。鄭君注禮時用韓詩。蓋韓詩芋作芋。

𧈧維魚矣旒維旗矣

盧氏鍾山札記引丁希曾曰。𧈧乃蠓字之省。說文蠓與蚤同。蠓實蝗類。說文。蚤。蝗也。蝗。蚤也。則蝗一名蚤。不但同類而已。凡池湖陂澤

中。魚嘯子。皆近岸有淺水處。若遇歲旱。水不能復其故處。土爲風日所燥。魚子蛻蛻而出。卽變爲蝗蟲。以害苗。自大河以北。土人皆知之。今蠓不爲蝗而爲魚。故以爲豐年之徵。引之謹案。此說似是而非。魚子化蝗。固爲凶年之徵。不化蝗而仍爲魚。則不過魚子生育之常。未足

爲豐年之兆。魚子逢潦歲亦不爲蝗而爲魚。則安知其不爲水災乎。且蠋者蝗也。魚子已化爲蝗而後謂之蠋未化則仍然魚子耳。不得便以蠋名。而丁云魚子爲風日所燥。卽變爲蝗蟲以害苗。今蠋不爲蝗而爲魚。故以爲豐年之徵。是以蠋爲魚子也。其誤不已甚乎。況經言維魚不言爲魚。本無變化之義。何須問其爲何物所化乎。曰下文旄維旌矣。非變化之象乎。曰謂旄化爲旌者。集傳所存或說也。其說曰旄郊野所建。統人少。旌州里所建。統人多。旄所統不若旌所統之眾。故夢旄乃是旌。則爲人眾。案大司馬郊野載旄百官載旌。郊則四郊去

國百里野則公邑在邦甸之地去國二百里二百里內之人民無少於百官之理司常州里建旗縣鄙建旐以大司徒五家爲比計之五比爲閭四閭爲族五族爲黨五黨爲州州二千五百家以遂人五家爲鄰計之五鄰爲里四里爲鄣五鄣爲鄙五鄙爲縣縣亦二千五百家州與縣戶口相等豈得謂旐所統不若旗所統之眾乎況居四郊之民卽州里之不在國中者故比長云徙于國中及郊則從而授之則四郊亦有州里也郊野與州里又何異之有乎然則旐化爲旗之說本不可通又安得有眾化爲魚之說乎眾維魚矣旐維旗矣者上維字

訓乃下維字則訓與旒維旗者旒與旗也。大雅靈臺篇

虞業維櫜。賁鼓維鏞。言虞業與櫜。毛傳櫜崇牙也。賁鼓與鏞也。

字亦作惟。禹貢齒革羽旄惟木。言齒革羽旄與木也。酒

誥百僚庶尹惟亞。惟服宗工。言百僚庶尹與亞與服宗

工也。多方告爾四國多方。惟爾殷侯尹民。言告爾四國

多方與爾殷侯尹民也。魯語與百官之政事師尹維旅

牧相宣序民事。言百官之政事師尹與旅牧相也。詳見釋詞

此皆維訓爲與之證。故鄭箋曰。又夢見旒與旗也。上句

單舉一物。故毛傳曰。陰陽和則魚獸多矣。下句並舉二

物。故傳曰。旒旗所以聚眾也。後人不知旒維旗矣。之維

與與同義。乃猥以爲旖化爲旃。因之猘維魚矣。亦欲以變化解之。於是異說橫生。而本義湮沒矣。

不敢戲談

箋曰。又畏女之威。不敢相戲。而言語引之。謹案。談亦戲

也。玉篇廣韻並云。談戲調也。

廣雅。嘲調也。猘。經音義卷十二。古文嘲。今作嘲。又作

嘲。

孟子告子篇。越人關弓而射之。則已談笑而道之。談

笑者。調笑也。調談一聲之轉耳。戲而嘲之。謂之調。亦謂之談。故以戲談連文。戲談猶戲謔也。嘲謔所以爲樂。禍將及已。憂心如焚。則不敢爲樂矣。故曰。憂心如惓。不敢戲談。

有實其猗 有實其積

傳曰實滿猗長也箋曰猗倚也言南山既能高峻又以草木平滿其旁倚之畎谷使之齊均也引之謹案訓猗爲長無所指實畎谷旁倚何得卽謂之倚乎今案詩之常例凡言有蕢其實有鶯其羽有略其耜有捄其角末一字皆實指其物有實其猗文義亦然也猗疑當讀爲阿古音猗與阿同故二字通用葢楚篇猗難其枝卽隰桑之隰桑有阿其葉有難也漢外黃令高彪碑稽功猗衡卽商頌之阿衡也山之曲隅謂之阿楚辭九歌若有入兮山之阿王注曰阿曲隅也是也實廣大貌魯頌閟

宮篇實實枚枚。傳曰。實實廣大也是也。有實其阿者。言南山之阿實然廣大也。阿爲山隅。乃偏高不平之地。而其廣大實實然。亦如爲政不平之師尹。勢位赫赫然也。故詩人取譬焉。大雅卷阿曰。有卷者阿。文義正與此相似。又案周頌載芣篇。載獲濟濟。有實其積。亦謂露積之庾。其形實實然廣大也。楚茨曰。曾孫之庾。如坻如京。良耜曰。積之栗栗。其崇如墉。則有實其積之謂矣。鄭彼箋以有實爲實成。亦失之。

執我仇仇亦不我力

爾雅仇仇敖敖。傲也。郭注曰。皆傲慢賢者。正月篇彼求

我則。如不我得。執我仇仇。亦不我力。毛傳曰。仇仇。猶瞽瞍也。箋曰。王之始徵求我。如恐不得我。既得我。執留我。其禮待我。瞽瞍然。亦不問我在位之功力。言其有貪賢之名。無用賢之實。家大人曰。緇衣曰。大人不親其所賢。而信其所賤。民是以親失而教是以煩。詩云。彼求我則。如不我得。執我仇仇。亦不我力。鄭注曰。言君始求我。如恐不得我。既得我。持我仇仇。然不堅固。亦不力用我。是不親信我也。仇仇。或作執執。廣雅曰。執執。緩也。集韻曰。執執。緩持也。案緇衣注曰。持我仇仇。然不堅固。卽是緩持之意。義與廣雅同。與爾雅毛傳詩箋皆異。蓋本於三

家也。今案彼求我則如不我得言求我之急也。執我仇
仇亦不我力。言用我之緩也。亦不我力。亦當如繼衣注
所解。詩箋謂不問我在位
之功力。三復詩詞。則緩於用賢之說爲切。而傲賢之說
非也。爲疏矣。

甯訓爲乃

燎之方揚。甯或滅之。赫赫宗周。褻姒威之。毛傳說甯或
滅之曰。滅之者水也。箋曰。燎之方盛之時。炎熾燦怒。甯
有能滅息之者。言無有也。以無有喻有之者爲甚也。家
大人曰。甯猶乃也。言以燎火之盛而乃有滅之者。以赫
赫之宗周而乃爲褻姒所滅。四句以上興下。一氣相承。

詞意甚爲迫切。若上言燎火難滅。下言褒姒滅周。則上下相承之間。多一轉折。而詞意迂回矣。箋云。以無有喻有之者爲甚。非也。水之滅火。非無有之事。火勢方盛而水滅之。則爲甚矣。不必先言其無有。而後見有之者之爲甚也。傳云。滅之者水。此正釋經文或滅之之意。不如箋所云也。甯乃一聲之轉。故詩中多謂乃爲甯。戴先生毛鄭詩考正曰。四月首章。胡甯忍子。箋云。甯猶曾也。案甯猶乃也。語之轉。下甯莫我有同。雲漢首章。甯莫我聽。甯亦乃也。篇內甯丁我躬。甯俾我遜。胡甯忍子。胡甯瘝我以臯。竝同。以上戴先生說謹案。邶風日月篇。甯不我顧。小雅

小弁篇甯莫之知。四月篇胡甯忍子。箋竝云甯猶曾也。又小雅正月篇甯莫之懲。四月篇甯莫我有。大雅雲漢篇甯莫我聽。甯丁我躬。甯俾我遜。諸甯字。箋皆以曾字代之。曾亦乃也。論語先進篇吾以子爲異之問。曾由與求之問是也。又雲漢篇胡甯忍子。胡甯瘖我以旱。箋竝以何曾二字代之。何曾何乃也。孟子公孫丑篇爾何曾比子於管仲。趙注曰。何曾猶何乃是也。大雅桑柔篇民之貪亂。甯爲荼毒。言民疾王之政貪樂禍亂。乃爲苦毒之行也。鄭箋訓甯爲安。失之。內則子婦有勤勞之事。雖甚愛之。姑縱之。而甯數休之。言姑縱使勤勞。而乃數數休息之也。

正義曰甯可數昭二十二年左傳寡君聞君有不令之數休息失之。

臣爲君憂無甯以爲宗羞言無乃以爲宗羞也。

此無甯與他處

言無甯者不同杜注無甯甯也失之賈子禮篇不用命者甯丁我綱史記

殷本紀作乃入吾網此皆古人謂乃爲甯之證。

終踰絕險

箋曰終用是踰度陷絕之險引之謹案陷絕之險車不

能度雖不棄爾輔亦無益也詩之絕險豈是之謂乎絕

之言最也極也。

後漢書吳良傳注絕猶極也

爾雅鼎絕大謂之鼎郭

注曰最大者絕澤謂之鈇注曰最有光澤也又絕高爲

之京言最高也麋絕有力狄鹿絕有力麀屬絕有力豨

狼絕有力。迅兔絕有力。虎豕絕有力。貌熊虎醜絕有力。
麀牛絕有力。欣荀氏正義曰欣字衍雞絕有力。奮皆言最有力
也。此絕險亦謂最險之處也。

曾是不意

箋曰。女曾不以是爲意乎。正義曰。商人畱輔顧僕之故。
終用踰度陷絕之險。汝商人何得曾不以是輔僕爲意。
乎。喻王用賢禮相之故。終用是得濟免禍害之難。汝何
得曾不以是賢相爲意乎。引之謹案。如此解。則經當云。
曾是不以爲意。文義乃明。何得但云不意乎。今案意與
億通。億度也。言棄輔則爾載必輸。不棄則絕險可濟。商

事如是。治國可知。所當度其利害而求賢以自輔者也。
女何乃不度於是乎。古者謂度爲意。論語先進篇億則
屢中。何注曰。億度是非。漢書貨殖傳億作意。子罕篇無
意無必無固無我無意無度也。少儀毋測未至。鄭注曰。測意度也。無意卽毋測
未至也。何注以禮運聖人耐以天下爲一家中國爲一
人者。非意之也。意之度之也。鄭注曰。意心所無慮也。無慮者。度其大略之謂。正義
不知意訓爲度。而云管子小問篇君子善謀而小人善
以意測度謀慮。失之意。臣意之也。善意善度也。尹注不知意訓爲度。而云以意度之。亦誤。商子脩
權篇釋權衡而斷輕重。廢尺寸而意長短。謂廢尺寸而
度長短也。莊子胠篋篇妄意室中之藏。謂妄度室中之

藏也。荀子賦篇。君子設辭。請測意之。謂請測度之也。注。揚不知意。訓爲度。而魏策。臣願以鄙心意。公謂以鄙心度云。請測其意。失之。公也。韓子外儲說人。且意女。謂人且度女也。解老篇前。識者無緣而忘意度也。意亦度也。古人自有複語耳。

哿矣富人 哿矣能言

家大人曰。正月篇。哿矣富人。哀此惲獨。哿與哀相對。爲文哀者憂悲。哿者歡樂也。言樂矣。彼有屋之富人。悲哉。此無祿之惲獨也。而無正篇。哀哉不能言。匪舌是出。維躬是瘁。哿矣能言。巧言如流。俾躬處休。哀與哿亦相對。爲文。言悲哉不能言之人。其身困瘁。樂矣能言之人。身

處於安也。哿嘉俱以加爲聲而其義相近。禮運以嘉魂魄。鄭注曰嘉樂也。王肅注家語問禮篇曰嘉善樂也。大雅假樂篇假樂君子中庸引作嘉樂是嘉與樂同義。哿之爲言猶嘉耳。故昭八年左傳引詩哿矣能言。杜注曰哿嘉也。毛傳訓哿爲可。可亦快意愜心之稱。廣雅曰。厭愜。哿。可也。故箋曰富人已可。博獨將困。宋岳珂本。七經孟子考文所引古本及宋板。並作富人已可。明北監本已字始作猶。淺學人改之也。正義曰可矣富人猶有財貨以俱之。失傳箋之意矣。

萃者崔嵬

十月之交篇百川沸騰山冢萃嵬。箋曰萃者崔嵬。漸漸之石

篇。維其卒矣。箋曰卒者崔嵬也。字作卒。不作萃。此亦當然。山頂崔嵬者。岫。釋文。萃。舊

子恤反。徐子綏反。鄭云。崔嵬也。宜依爾雅音。祖恤反。本

又作卒。正義作卒。曰。釋山云。萃者。屨屨。郭璞曰。謂山峯

頭巉巖者。此經作卒。今本卒誤作萃。辨見校勘記。箋作崔嵬者。雖字

與爾雅小異。義實同也。徐邈以卒子恤反。今本卒誤作萃。辨見校勘

記。則當訓為盡於時。雖大變異。不應天下山頂盡皆岫

也。故鄭依爾雅為說。漢書劉向傳引此。亦作卒。顏注曰

卒。盡也。山頂隆高而盡。岫壞。荀子君子篇引。詩作山。豕。岫。萃。岫。萃。字後人所改。引

之謹案。卒。當讀為猝。音沒。猝。急也。暴也。言山豕猝然。岫

壞也。卒。岫與沸騰相對。若訓卒為崔嵬。而以山豕卒連

讀則與上句文義不倫矣。

既伏其辜

兩無正篇。舍彼有罪。既伏其辜。正義曰。王反舍彼有罪。既伏其辜者。而不戮。引之謹案。如正義。則是以舍彼有罪。既伏其辜。八字爲一句矣。此篇前二章。章十句。若作一句讀。則少一句。與章句不合。且上下皆四字爲句。不應其閒又八字爲句也。今案伏者藏也。見廣雅隱也。見晉語韋注。凡戮有罪者。當聲其罪而誅之。今王之舍彼有罪也。則既隱藏其罪而不之發矣。蓋惟其欲舍有罪之人。是以匿其罪狀耳。解者誤以伏其辜爲服罪。則與舍字兩

相抵牾於是改句讀以牽就之疏矣。

淪胥以鋪

若此無罪。淪胥以鋪。毛傳曰。淪率也。箋曰。胥相鋪徧也。言王使此無罪者見牽率相引而徧得罪也。漢書敘傳。嗚呼史遷。薰胥以刑。晉灼曰。齊韓魯詩作薰。薰帥也。從人得罪相坐之刑也。師古曰。薰者。謂相薰烝。亦漸及之。義後漢書蔡邕傳。下獲勳胥之辜。李賢注曰。詩小雅曰。若此無罪。勳胥以痛。勳帥也。胥相也。痛病也。言此無罪之人而使有罪者相帥而病之。是其大甚。見韓詩尤經。古義曰。薰烝也。春秋傳曰。以韓起爲閹薰。與閹通。易艮。

之九三日厲薰心荀爽本薰作勳虞翻本作閹湖廣漢
官解詁曰光祿勳勳猶閹也易曰爲閹寺是薰與閹通
之證胥胥靡也漢書楚元王交傳云申公白生諫不聽
胥靡之應劭引此詩云淪胥以鋪胥靡刑名也呂氏春
秋曰傳說殷之胥靡也高誘曰胥靡刑罪之名詩言王
赦有罪之辜而反坐無罪者以薰胥之刑也三家詩得
之毛公誤也家大人曰詩言淪胥以敗淪胥以亾則此
篇淪胥以鋪鋪字當訓爲病不當訓爲徧韓詩作痛本
字也毛詩作鋪偕字也王肅訓鋪爲病義本韓詩也周
南卷耳篇我僕痛矣釋文痛本又作鋪大雅江漢篇淮

夷來鋪毛彼傳曰鋪病也是痛鋪古字通又案淪薰聲

相近薰率聲之轉故爾雅毛詩訓淪爲率韓詩訓薰爲

帥帥與率同薰亦淪也淪胥以鋪謂相率而入於刑入於刑

則病苦故韓詩曰薰胥以痛漢書曰薰胥以刑其義一

也高誘以胥靡爲刑名非以胥爲刑名應劭以淪胥之

胥爲胥靡於義未安胥灼注楚元王交傳曰胥相也靡隨也古者相隨坐輕刑之名案謂

胥靡爲相隨坐之刑義與淪胥之胥相近則可謂淪胥之胥爲胥靡則不可若惠氏讀薰爲

關而以爲刑名則尤爲不可周官閹人注曰閹人司昏

晨以啟閉者刑人墨者使守門此謂使刑人守門非謂

閹爲刑名也且讀薰爲閹而以關胥爲刑名則漢書薰

胥以刑之語不可通。假如墨劓。荆宮皆是刑名。而曰墨劓以刑。荆宮以刑。其可乎。薰胥卽淪胥。若以淪胥爲刑名。則後文之淪胥以敗。淪胥以亡。皆不可通矣。毛詩作淪。韓詩作薰。而同訓爲率。惠以三家爲是。毛爲非。竊所未喻也。師古以薰胥爲相薰。烝則又望文生義而失其本指矣。

云不可使 亦云可使

云不可使得罪于天子。亦云可使怨及朋友。家大人曰。使者從也。亦語詞。此言王之出令不正。我言不可從。則得罪于天子。言可從。則是助君爲惡。必怨及朋友矣。故

箋曰。不可使者。不正不從也。可使者。雖不正從也。此是用爾雅使從也之訓。孔氏不達。乃曰。可使與不可使。皆君論臣之辭。謂稱已意爲可使。不稱已意爲不可使也。失鄭義矣。古謂從爲使。說見爾雅。俾。拼。拜。使從也。下。

人之齊聖

小宛篇。人之齊聖。毛傳曰。齊。正也。箋曰。中正通知之人。引之謹案。齊。聖。聰明睿智之稱。與下文彼昏不知相對。齊者。知慮之敏也。史記五帝紀。生而神靈。弱而能言。幼而徇齊。長而敦敏。成而聰明。徐廣解徇齊。引墨子曰。年踰五十。則聰明心慮不徇通矣。索隱引大戴禮作敏齊。

一本作慧齊。史記舊本作濟齊。皆明智之稱也。索隱又曰爾雅齊速俱訓爲疾。引尚書大傳曰多聞而齊。給鄭注曰齊疾也。荀子脩身篇曰齊明而不竭。聖人也。揚注謂無偏無頗也。失之。非十二子篇曰聰明聖知不以窮人。齊給速通不以先人。然則速通謂之齊。大通謂之聖。文二年左傳曰子雖齊聖不先父會久矣。十八年傳曰齊聖廣淵明允篤誠。並與此同。毛以齊爲正。杜以齊爲肅。又以爲中皆未當也。漢泰山都尉孔宙碑曰天姿醇淑齊聖達道則得之矣。

不離于裏

小弁篇不屬於毛。不離于裏。引之謹案裏讀爲理。謂勝

理也。毛在外。理在內。相對爲文。管子內業篇曰。理丞而

毛泄。淮南泰族篇曰。四枝節族。毛蒸理泄。是也。荀子解

蔽篇。剗剗大理。而字宙裏。參楊倞注。裏當爲理。是理裏

古字通屬著也。士冠禮鄭注。離附也。否九四疇離祉。九

詩正義訓離。爲歷失之。此承上靡瞻匪父。靡依匪母。爲義。言我之

親附於父母。若著於其毛。然若附於其理。然而今何不

然乎。言少恩也。毛傳例不破字。而曰毛在外。陽以言父

裏在內。陰以言母。卽是以裏爲理也。毛在皮外。理在皮

訓爲表裏之裏。則裏卽是內。不得又言在內矣。但不當以毛裏分屬父母耳。箋

曰今我獨不得父皮膚之氣乎獨不處母之胞胎乎則
是訓裏爲表裏之裏與毛字義不相當矣

昊天罔極

蓼莪篇欲報之德昊天罔極箋曰之猶是也我欲報父
母是德昊天乎我心無極集傳曰言欲報之以德而其
恩之大如天無窮不知所以爲報也家大人曰箋訓之
爲是是也而說昊天句則非其旨集傳謂恩大如天不
知所報亦未合詩意蓋旣不能終養則雖欲報恩而不
可得不必言恩大難酬矣且詩言昊天罔極不言如天
罔極也今案欲報之德昊天罔極言我方欲報是德而

昊天罔極降此鞠凶使我不得終養也不言父母既沒
不得終養者無父何怙無母何恃已見於上文也昊天
罔極猶言昊天不備昊天不惠朱子所謂無所歸咎而
歸之天也漢司隸校尉魯峻碑悲慕義即義字之不報痛
昊天之靡嘉得詩人之意矣曹植責躬詩亦曰昊天罔極生命不圖

有捄棘匕

大東篇有饌簋殮有捄棘匕毛傳曰殮熟食謂黍稷也
匕所以載鼎寶正義曰鼎實煮肉也家大人曰次句承簋殮言之
當謂黍稷之匕耳說文匕所以比取飯少牢饋食禮廩
人概飯廩匕與敦于廩鼎鄭注曰匕所以匕黍稷

佻佻公子

糾糾葛屨可以履霜佻佻公子行彼周行既往既來使我心疚毛傳曰佻佻獨行貌釋文佻佻韓詩作嬈嬈往來貌家大人曰佻佻當從韓詩作嬈嬈嬈嬈直好貌也非獨行貌亦非往來貌詩言糾糾葛屨可以履霜嬈嬈公子行彼周行糾糾是葛屨之貌非履霜之貌則嬈嬈亦是公子之貌非獨行往來之貌猶之糾糾葛屨可以履霜摻摻女手可以縫裳摻摻是女手之貌非縫裳之貌也說文嬈直好兒玉篇音徒丁徒聊二切廣雅曰嬈嬈好也嬈嬈猶言茗茗張衡西京賦曰狀亭亭以茗茗

是也故楚辭九歎注引詩作茗茗公子行彼周行大東
釋文曰佻佻本或作窈窕方言曰美狀爲窈窕亦好貌
也此句但言其直好下三句乃傷其困乏言此嬈嬈然
直好之公子馳驅周道往來不息是使我心傷病耳廣
雅訓嬈嬈爲好當在齊魯詩說若毛詩因行彼周行而
訓爲獨行韓詩因旣往旣來而訓爲往來皆緣詞生訓
非詩人本意也

日旦出

東有啟明西有長庚毛傳曰日旦出謂明星爲啟明日
旣入謂明星爲長庚正義曰言旦出者旦猶明也明出

謂嚮晨時也。家大人曰：且當爲且字之誤也。且出與旣入相對爲文。日未出而明星先出，故謂之啟明。若日出則明星不見矣。

維北有斗

維南有箕，維北有斗。正義以斗爲南斗，南斗在箕北，故云維北有斗。集傳以爲北斗，家大人曰：經言維北有斗，西柄之揭，南斗之柄常向西而高於魁，故云西柄。又云揭揭，高舉之名也。說文揭，高舉也。若北斗之柄固不常指西，卽指西亦不得云揭也。且經先言南有箕，後言北有斗，明箕斗南北相連也。古詩曰：南箕北有斗，牽牛不負輓箕。

斗與牽牛不甚相遠也

盡瘁以仕 或盡瘁事國

北山篇或盡瘁事國昭七年左傳引此盡瘁作憔悴正義曰蓋師讀不同臧氏玉林經義雜記曰據漢書五行志所載左傳作盡頽知左傳古文本與毛詩同杜本作憔悴聲近之誤引之謹案周官小司寇議勤之辟鄭注曰謂憔悴以事國釋曰案詩云或憔悴事國蓋毛詩之盡瘁三家詩有作憔悴者故鄭賈皆用之爲說然則杜本左傳作憔悴聲近之誤也又案憔悴亦盡也鄭注昏義曰酌而無酬酢曰醺正義曰直盡爵而已故稱醺也爾雅

水醺曰厚郭注曰謂水醺盡醺與憔悴義相近故李頤
注莊子盜跖篇讀醺爲顛悴之顛悴亦盡也荀子禮論
篇利爵之不醺也史記禮書醺作悴悴之言卒也卒亦
盡也盡謂之醺亦謂之卒盡爵謂之醺亦謂之降盡力
謂之憔悴義相因也憔悴二字平列盡瘁二字亦平列
非謂盡其瘁也毛傳曰盡力勞病以從國事則亦平列
字矣或燕燕居息或盡瘁事國燕燕重語也盡瘁雙聲
也憔悴亦雙聲也四月篇盡瘁以仕義亦與此同箋曰
今王盡病其封畿之內以兵役之事失之矣

率士之濱

北山篇率土之濱莫非王臣家大人曰爾雅曰率自也
鄭注雜記曰自率也自土之濱者舉外以包內猶言四
互見後率西水游下海之內莫非王臣非專指地之四邊言之毛傳訓率爲
循於詩義未協孟子萬章篇趙注同正義曰言率土之濱舉其四
方所至之內見其廣也於義爲長

我從事獨賢

家大人曰北山篇我從事獨賢孟子萬章篇引此詩而
釋之曰此莫非王事我獨賢勞也賢亦勞也賢勞猶言
劬勞故毛傳曰賢勞也鹽鐵論地廣篇亦曰詩云莫非
王事而我獨勞刺不均也鄭箋趙注竝以賢爲賢才失

其義矣

其德不猶

鼓鐘篇其德不猶毛傳曰猶若也箋曰猶當作瘳瘳病也引之謹案爾雅猶已也其德不猶言久而彌篤無有已時也南山有臺篇曰德音不已

我庾維億

楚茨篇我倉既盈我庾維億毛傳曰萬萬曰億箋曰倉言盈庾言億亦互辭喻多也十萬曰億家大人曰億亦盈也語之轉耳億字本作意或作意又作臆說文曰意滿也方言曰臆滿也郭璞注曰怙臆氣滿也

凡怒而氣滿謂之怙

臆。漢書陳湯傳策慮。愒臆。顏師古注曰。愒。臆。愒。怒之貌。是也。哀而氣滿。亦謂之愒。臆。史記扁鵲傳。嗟唏服。愒。悲不能自止。服。愒。即愒。臆。問。容曰。悲哀志愒。氣盛是也。愒而心愒。亦謂之愒。臆。馮衍顯志賦曰。心愒。臆。而紛紜。是也。又選長門賦。心憑愒。而不舒兮。李善注曰。憑。愒。氣滿貌。憑。愒。即愒。臆之轉。故方言曰。愒。滿也。上逸注。離騷曰。憑。滿也。漢書賈誼傳。取人惑惑。好惡積意。意者滿也。言好

惡積滿於中也。

李奇曰。所好所惡。積之萬億也。薛瓌曰。言欲懷好惡。積之心意也。皆失之。

意。臆竝與億同。易林乾之師曰。倉盈庚億。漢巴郡大守

樊敬碑曰。持滿億盈。是億即盈也。襄二十五年左傳曰。

今陳介恃楚眾。以馮陵我。敝邑不可億逞。億逞即億盈。

言其欲不可滿盈也。

盈與逞古字通。說見後。不可億逞下。

我黍與與。我稷

翼翼。翼翼猶與與也。我倉既盈。我庾維億。維億猶既盈。

也此億字但取盈滿之義而非紀其數與萬億及秭之億不同。

韎者茅蒐染韋也

瞻彼洛矣篇韎韐有奭毛傳曰韎者

今本韎下衍韐字茅蒐染

韋也

今本韋謄作韋

一入曰韎

今本脫入字案一入曰韎絕句正義以韎韐二字連讀非是

韐所以代韎也箋曰韎者

今本韎下衍韐字茅蒐染也茅

蒐韎聲也韐

今本韐上行韎字以上諸誤附見段氏荅臈儀禮漢讀考

祭服之韎合

韋爲之引之謹案毛傳原文本作韎染韋也今本韎下

有者茅蒐三字此涉鄭箋韎者茅蒐染而誤衍也蓋毛

以染韋一入之色爲韎而不以茅蒐爲韎故曰韎染韋

也。一入曰𦵏。鄭以𦵏爲茅蒐之合聲。則以茅蒐爲𦵏。而不以一入爲𦵏。故曰𦵏者茅蒐染也。茅蒐𦵏聲也。若毛以茅蒐爲𦵏。則與一入曰𦵏之文自相違異。且毛旣云𦵏者茅蒐染韋。則鄭不須更云𦵏者茅蒐染矣。孔陸所見。已是誤本。故不言鄭與毛異耳。晉語𦵏韋之附注韋注曰三君云。一染曰𦵏。鄭後司農說以爲𦵏茅蒐染也。云鄭以爲茅蒐染。則毛不以爲茅蒐染明矣。三君皆從毛義。故但言一染曰𦵏。而不言茅蒐也。說文𦵏茅蒐染韋也。一入曰𦵏。茅蒐二字。亦後人依誤本毛傳加之也。賈景伯注成十六年左傳及晉語。竝云一染曰𦵏。叔重

之學出於景伯故云韎染韋也。一入曰韎。且賈許皆治毛詩故以一入爲韎。至康成始以茅蒐爲韎。不得於說文注中增入茅蒐二字。且茅蒐爲韎與一入爲韎二者各爲一義不可強同也。鄭駁五經異義曰韎草名齊魯之閒言茅蒐聲如韎蓋異義亦從毛詩以一入爲韎故鄭駁之如此若以茅蒐爲韎則義與鄭同不當有駁異義與說文同出一人之手則說文亦不以茅蒐爲韎明矣

彼交匪敖 彼交匪紆

桑扈篇彼交匪敖箋曰彼彼賢者也賢者居處恭執事敬與人交必以禮采菽篇彼交匪紆箋曰彼與人交接自偏東如此則非有解怠紆緩之心引之謹案彼亦匪

也。交亦敖也。襄八年左傳引詩如匪行道謀。杜注。匪彼也。匪可訓爲彼。彼亦可訓爲匪。交之言狡也。廣雅曰。狡侮也。字通作倭。淮南覽冥篇。鳳皇之翔至德也。雷霆不作。風雨不興。川谷不澹。草木不搖。而燕雀倭之以爲不能與之爭於宇宙之間。高注。訓爲倭。健失。辭見讀書雜誌。言燕雀輕侮鳳皇也。然則彼交匪敖者。匪交匪敖也。匪交匪敖者。言樂胥之君子不侮慢不驕傲也。彼交匪紆者。匪交匪紆也。匪交匪紆者。言來朝之君子不侮慢不怠緩也。襄二十七年左傳。公孫段賊桑扈。趙孟曰。匪交匪敖。福將焉往。桑扈云。見觥其觥。旨酒思柔。匪交匪敖。萬福來求。猶絲衣云。見觥其觥。旨酒思柔。不與不敖。胡考之休。

荀子勸學篇君子不傲不隱不瞽謹順其身引詩曰匪
交匪綏天子所予是彼交作匪交之明證交或作傲或
十四年傳引詩彼交匪傲彼匪也不也交放也侮也杜
注以爲彼之交於事失之
漢書五行志作匪傲匪傲又其一證矣乃韓詩外傳引
詩彼交匪紆而釋之曰言必交吾志然後予則已誤解
爲交接之交而應劭注漢書匪傲匪傲又以爲傲訐顏
師古又以爲傲倖皆與匪敖之義不倫旨酒思柔之時
但慮其侮慢而已何傲訐傲倖之有乎

萬福來求

引之謹案桑扈篇萬福來求求與述同述聚也言萬福

來聚也。凡詩言萬福攸同。福祿既同。百祿是道。百祿是
總。並與此同義。說文。述。敘聚也。虞書曰。旁述屏功。史記
五帝紀。作旁聚布功。今本作方鳩。傍功。爾雅曰。鳩聚也。
大雅民勞篇。惠此中國。以爲民述。毛傳曰。述。合也。箋曰。
合聚也。是述與聚同義。爾雅釋訓。速速蹙蹙。惟述鞠也。
釋文。述。本亦作求。是述求古字通。宣十。六年。左傳。武子
歸而講求典禮。周語。作講聚。三代之典禮。管子。七法篇。
聚天下之精材。幼官篇。作求天下之精材。是求與聚亦
同義。箋曰。萬福之祿。就而求之。卽是來聚之義。而正義
未加訓釋。集傳曰。我無事於求福。而福反來求我。則與

即異義矣。

竝受其福

賓之初筵篇既醉而出竝受其福箋曰賓醉則出與主人俱有美譽正義曰若既醉而出則賓與主人竝受其得禮之福賓則身為知禮主則用得其人。是竝受其福也。引之謹案其字指醉出之賓竝之言皆也。偏也。謂祇賓與主人皆受此賓之福也。古聲竝皆相近。詳見非卦王明竝受其福并九三王明竝受其福謂天下皆受其福也。立政以竝受此丕丕基謂武王皆受此大業也。詳見木條下。

是謂伐德

醉而不出是謂伐德箋曰醉至若此是誅伐其德也家
大人曰德不可以言誅伐伐者敗也微子曰我用沈酗
于酒用亂敗厥德于下是也說文伐敗也廣雅同藝文類
聚武部引春秋說題辭曰伐者涉人國內行威有所斬
壞伐之爲言敗也一切經音義六引白虎通義曰伐者
何敗也欲敗去之召南甘棠曰勿剪勿伐勿剪勿敗伐
亦敗也聲相近故義相通。

至于已斯亡

角弓篇民之無良相怨一方受爵不讓至于已斯亡

音已

紀唐石經作已各本皆作已毛詩注疏校勘記曰已字是也正義云至於已身以此而致滅亡可證坊記引此

詩鄭彼注云以至已。是鄭義自作已也。已誤。毛傳曰作已。經注正義中所在多有。唯唐石經不誤。

爵祿不以相讓。故怨禍及之。正義曰。受其官爵。不以相讓。由此爲彼所怨。至於已身。以此而致滅已。引之謹案。如傳疏之說。則當言受爵不讓。至于已。已不當言至于已。斯已也。且至于已。斯已。亦非謂已身以此而已也。鄭注坊記說與毛傳同。竊以已卽忘字也。言但怨人之不讓已。而忘乎已之不讓人。正所謂民之無良也。韓詩外傳曰。有君不能事。有臣欲其忠。有父不能事。有子欲其孝。有兄不能敬。有弟欲其從。令詩曰。受爵不讓。至于已。斯已。言能知于人而不能自知也。

以上韓詩外傳

不能自知。正

所謂至于已斯忘也忘與亡古字通

趙策秦之欲伐韓梁東關於周室甚

惟寐亡之韓子難二。晉文公慕於齊女而亡歸。淮南要略齊景公獵射亡歸亡。並與忘同。大雅假樂舊不愆不忘說苑建本篇作亡。荀子勸學篇怠慢忘身大戴記作亡。呂氏春秋權勸篇是忘。荆國之社稷而不恆吾衆也。韓子十過篇作亡。史記主父傳天下忘于戈之事。漢書作亡。

無自暱焉

苑柳篇上帝甚蹈無自暱焉。家大人曰廣雅暱病也言幽王暴虐慎無往朝以自取病也。下章曰無自瘵焉瘵亦病也。廣雅訓暱爲病當本於三家。毛傳訓爲近非其義也。

若之華芸其黃矣

茗之華篇茗之華。芸其黃矣。毛傳曰茗陵茗也將落則黃。引之謹案芸其黃矣言其盛。非言其衰。故次章云其葉青青也。裳裳者華之詩曰裳裳者華。其葉湑兮。傳曰湑盛貌。猶此詩云茗之華其葉青青也。又曰裳裳者華芸其黃矣。傳曰芸黃盛也。猶此詩云茗之華芸其黃矣也。爾雅曰茗陵茗黃華。黃白華。按是茗華本有黃者。豈待將落而始黃哉。詩人之起興。往往感物之盛而歎人之衰。有秋之杜。其葉湑湑。何其盛也。獨行踽踽。何其衰也。隰有萋楚。倚籬其華。何其盛世樂子之無家。何其衰也。然則茗之華。芸其黃矣。心之憂矣。維其傷矣。茗之華

其葉青青。知我如此。不如無生。物自盛而人自衰。詩人所以歎也。毛公既以黃爲將落。遂并以下章爲華落葉。青青然殆失之矣。

何人不矜

何草不黃篇。何人不矜。箋曰。無妻曰矜。從役者皆過時不得歸。故謂之矜。引之謹案。矜讀爲瘰。爾雅。瘰病也。郭注引召詒智藏瘰在。又康詒恂瘰乃身。某氏傳曰。瘰病也。後漢書和帝紀。朕寤寐恂矜。李賢注引書恂矜乃身。瘰。鰥矜古字通。上文何草不黃。何草不元。元黃皆病也。說見前。我則矜字亦當訓爲病。劬勞于野。故言病也。爾馬元黃下。

雅曰劬勞病也。

宣昭義問 宣哲維人

引之謹案。大雅文王篇宣昭義問。宣明也。僖二十七年

左傳民未知信。未宣其用。晉語武子宣法以定晉國。韋

昭杜預注。竝曰宣明也。

衛風淇奥篇赫兮咺兮。釋文。咺。韓詩作宣。宣。顯也。顯亦明也。

宣昭猶言明昭。周頌時邁篇明昭有周。臣工篇明昭上

帝是也。毛傳曰義善也。問讀爲令。問不已之間。

正義述毛如此

讀。言明昭善名於天下也。昭三十二年左傳宣昭令名

義與此同也。周頌雝篇宣哲維人。宣哲猶明哲也。大雅

烝民篇既明且哲是也。箋訓宣爲徧。雖本爾雅。但於詩

義未協

自土沮漆

縣篇民之初生自土沮漆毛傳曰日用土居也沮水漆

水也胡氏朏明禹貢錐指徧考羣書邠地有漆無沮案

記周本紀公劉自漆沮度渭取材用正義曰自漆水南

渡渭水至南山取材木爲用也但言漆水而不言漆沮

又下文古公去豳渡漆沮踰梁山止於岐下徐廣音義

曰漆水在杜陽岐山而不釋沮字水經漆水注曰周大

王去邠度漆踰梁山止岐下皆用周本紀之文而但言

渡漆不言渡漆沮則周本紀之沮字皆後人所加明矣

又匈奴傳岐梁山涇漆之北有義渠大荔烏氏朏衍之

戎亦但言漆而不言漆沮禹貢正義曰詩云自土沮漆

毛傳云沮水漆水也地理志云漆引之謹案土當從齊

水出扶風漆縣西沮則不知所出

詩讀爲杜古字假借耳漢書地理志右扶風杜陽杜水南入渭詩曰自杜師古曰大雅

縣之詩曰人之初生自土沮漆齊詩作自杜言公劉避狄而來居杜與沮漆之地案注內兩沮漆今本竝譌作漆沮辯杜水名在漢右扶風杜陽縣南南入渭今屬麟見下

遊武功二縣

地理志見上水經渭水注曰杜水發杜陽縣大嶺側東逕杜陽縣故城又東南逕美

陽縣之中亭川注雒水雒水南流注於渭杜陽故城在今麟遊縣西北美陽故城今在武功縣西北漆水

在右扶風漆縣西北入涇今屬邠州

地理志曰右扶風漆漆水在縣西元

和郡縣志曰漆水在新平縣西九里東北流注于涇太平寰宇記曰今新平縣西九里有白土川東北流注于

涇水或是漢之漆水也但古今異名耳案漢之漆縣爲唐之新平即今之邠州也此漆水在邠州與他書言漆

沮者不同故顏師古注漢書匈奴沮當爲徂徕往也自傳岐梁涇漆曰此漆水在新平

土徂漆猶下文言自西徂東言公劉去邠適邠自杜水

往至於漆水也

杜水出麟遊縣西東南至武功縣南入渭漆水出邠州西東北入涇今邠州東

北有故邠城。武功縣西南有故邠城。徂與沮相似。又因公劉自邠遷於邠。故曰自土徂漆。

漆字而誤作水旁耳。邠地有漆無沮。故下章之率西水。許專指漆水而言。如以爲沮漆水。側則不知在何水之側矣。又案此漆水在涇西。與禹貢小雅周領之漆沮在涇東者不同。若以此爲涇東之漆沮。則與邠地無涉。以邠在涇西故也。其禹貢小雅周領之漆沮。則在涇東。渭北。水經沮水注曰。濁水上承雲陽縣東大黑泉。東南流與沮水合。謂之漆沮水。東逕萬年縣故城北。爲櫟陽渠。又南屈更名石川水。又南入於渭。卽是水也。雲陽故城在今淳化縣西北。萬年故城在今臨潼縣東北。書傳以漆沮爲洛水。非也。古時未有鄭白二渠。漆沮入渭不入洛。詳見禹

貢維指。是漆沮在涇東。南流入於渭。漆水在涇西。北流入

於涇。不得以漆水爲漆沮也。且漆沮是一水之名。故詩

書皆以二字連稱。分言之則謬矣。周須潛篇。猗與漆沮。即禹貢之漆沮。若說

文所稱漆水出右扶風杜陽岐山者。在今麟遊縣西。其地亦有漆無沮。毛傳以漆沮爲岐周之二水。亦非。又大王居邠在漆水之側。此自土沮漆之漆也。至遷岐。則去此漆水遠矣。下文所謂周原膺膺。指岐陽之地。非指邠地也。而傳云周原沮漆之間也。尤非。箋於上章云。循西水厓。沮漆水側也。於此則云周之原地在岐山之南。而不言沮漆。是不從毛傳也。箋義爲長。毛鄭詩考正曰。自土沮漆。謂居地迫

小。近此沮洳。漆水岸側。證以魏詩汾沮洳。以爲水旁地

之稱。如其說。則經文必作自土漆沮洳。而其義始明。不

得徑省其文。顛倒其字。而曰自土沮漆也。且詩人舉水

以明界域耳豈謂一國之人皆居岸側乎其說非也六書音均表又謂自土沮漆當從水經注漢書注作自土漆沮而以沮與父爲韻上文賦與生自爲一韻今案釋文作音先沮而後漆唐石經亦作沮漆傳曰沮水漆水也又曰周原沮漆之間也箋曰公劉失職遷于邠居沮漆之地又曰故本周之興云于沮漆也又曰循西水厓沮漆水側也正義之釋經釋傳箋亦先沮而後漆間有作漆沮者傳寫顛倒耳今本水經漆水注漢書地理志注引詩作自土漆沮亦傳寫之誤太平御覽地部三十引水經注正作沮漆王應麟詩攷胡三省通鑑周紀注

引地理志注亦作沮漆又續漢書郡國志注鈔本北堂

書鈔地部十三引詩自土沮漆文選潘岳爲賈謐贈陸

陳禹謨本刪去

機詩注及詩譜正義引詩竝作自土沮漆又禹貢正義
兩引詩皆作自土沮漆且引傳云沮水漆水也則經文
之作沮漆甚明不得以他書誤倒之字而改不誤之經
文也且漆沮在涇東不在涇西非公劉所居之地不得
言自土漆沮明矣又此章以飢漆穴室爲韻而民之初
生與古公亶父皆不入韻今改沮漆爲漆沮以與下文
父字爲韻而隔絕上文之飢字使不得與漆穴室爲韻
且飢與生非韻而強以爲韻豈其然乎其說亦非也

又案

邠地之漆水北流入涇與杜陽之漆水南流入渭者迥殊元和郡縣志太平寰宇記辯之詳矣關駟十三州志誤合二水爲一而段氏說文注用之以彌縫毛傳之闕亦非

率西水澣

率西水澣至于岐下毛傳曰率循也澣水厓也箋曰循西水厓沮漆水側也毛鄭詩考正曰案邠值岐北而少東孟子言去邠踰梁山邑於岐山之下居焉梁山在今乾州西北五里此涇西岐東渭北之梁山正當邠之南踰梁山則不浮涇水入渭也率西水澣者既踰梁山自東向西循水厓而上皆馬行不舟楫水澣渭水北厓也箋未審於地勢而云矣之邠之漆水北流注涇非適岐

所取道程泰之雄錄云渭水在梁山之南循渭西上可
以達岐閭百詩云自邠抵岐二百五十餘里梁山適界
乎一百三十里之間後秦始皇幸梁山宮從山上見丞
相車騎亦此梁山也二說可據以證箋之誤引之謹案
如考正說犬王循渭水北厓而至岐山之下則當云率
北水滸至于岐下不當云率西水滸矣若謂犬王自東
行則又當云西率水
滸不當云率西水滸且詩敘犬王去邠遷岐之事自當
始於邠而終於岐不當始於梁山之南渭水之北而略
去自邠至梁山百餘里之地也家大人曰率西水滸正
承上章之漆水而言

若上章未言漆水而此忽言水滸
則不知爲何水之滸矣故知水滸

是漆水之澍。非渭水之澍也。

爾雅曰率自也。

互見前率土之濱下。

西邠之西也。

大王自邠西漆水之厓南行踰梁山又西行至于岐山之下。約而言之則自邠西漆水之厓至于岐山之下。故曰率西水澍至于岐下也。毛鄭皆訓率爲循。孟子梁惠王篇趙注同循漆水而西則非適岐之道。故致後人之疑。

曰止曰時

曰止曰時。箋曰時是也。白河止居於是。正義曰如箋之言。則上曰爲辭。下曰爲於也。引之謹案。經文疊用曰宅。不當上下異訓。二曰字皆語辭。時亦止也。古人自有複語耳。爾雅曰爰曰也。曰止曰時。猶言爰居爰處。玉篇曰。

爾雅室中謂之時時止也

廣雅同。玉篇又曰。時止不前也。今本爾雅時

作時爾雅又曰雞棲于弋爲櫟鑿垣而棲爲時王風君

子于役釋文時作時棲止謂之時居止謂之時其義一

也莊子逍遙遊篇曰猶時女也司馬彪注曰時女猶處

女也處亦止也爾雅曰止待也廣雅曰止待逗也待與

時聲近而義同待亦通作時廣雅曰倅離待也方言倅

作倅待作時皆古字假借或以時爲待之譌非也

楚象傳定

待也。張璠本待作時。歸妹象傳有待而行也。一本待作時。

子曰有奔奏

子曰有奔奏毛傳曰喻德宣譽曰奔奏箋曰奔奏使人

歸趨之釋文奏本又作走正義曰此臣能曉喻天下之人以王德宣揚王之聲譽使人知令天下皆奔走而歸趨之故曰奔走也引之謹案傳箋異義正義合而一之非也傳以奏爲告語之義故曰喻德宜譽堯典敷奏以言史記五帝紀作徧告以言是也箋則取趨赴之義。

芄芄械樸

械樸篇芄芄械樸毛傳曰械白桺也樸桺木也箋曰白桺相樸屬而生引之謹案樸亦木名說文作樸云棗也爾雅樸桺者郭木彙作謂今從舍人及李孤本謂樸是棗之一種其如竹之苞者則曰彙也械與棗皆叢生之木故類言之

其其械樸榛桔濟濟皆二木竝稱也。毛鄭誤讀爾雅樸
枹者爲句。而以樸爲樸屬而生失之矣。說見爾雅樸枹
者謂下。

作之屏之

皇矣篇作之屏之。其菑其翳。毛鄭皆不解作字。正義曰。
攻作之。集傳曰。作。拔起也。家大人曰。作。讀爲柞。周頌載
芟篇載芟載柞。毛傳曰。除木曰柞。周官柞氏。掌攻草木
及林麓是也。內則魚曰。作之。爾雅作斲之。郭璞注曰。謂
削鱗也。是作有斬削之義。

其灌其柵

脩之平之其灌其樹毛傳曰樹楠也釋文樹音例又音

列引之謹案下文檉梣屨柘方及木名菑翳灌樹則沈

言木之形狀耳樹讀爲烈烈桡也斬而復生者也傳斬

而復生爾雅烈桡餘也疏引詩序曰宣王承厲王之烈

方言曰烈桡餘也陳鄭之閒曰桡晉衛之閒曰烈秦晉

之閒曰肄或曰烈然則汝墳曰伐其條肄長發曰苞有

三檠檠與桡同皇矣曰其灌其樹義竝同也段氏詩經小學

讀樹爲爾雅木相磨樹之樹非是段注說文樹字曰釋

木曰木相磨樹樹即樹也毛云樹楠也楠謂小木相迫切與爾雅義無不合

也此尤迂曲而不可通爾雅之樹楠與棟卽來樓落竝

列其爲木名明甚豈謂小木相迫切乎

依其在京 有依其士

依其在京。侵自阮疆。箋曰。文王發其依居京地之眾。以
往侵阮國之疆。引之謹案。鄭以依其在京爲依居京地
非也。依其居京則爲不辭矣。今案依兵盛貌。依其者。形
容之辭。言文王之眾依然其在京地也。依之言殷也。馬
融注豫卦曰。殷盛也。小雅出車篇楊柳依依。薛君韓詩
章句曰。依依盛貌。見文選潘岳金谷集詩注車輦篇。依彼平林。毛傳
曰。依茂木貌。木盛謂之依。猶兵盛謂之依也。周頌載芟
篇。有依其士。依亦壯盛之貌。言農夫壯盛足任耕作。故
下文遂言有略其耜。倣載南畝也。謂之士者。壯年之稱。

大過九五曰老婦得其士夫。是年壯者謂之士也。

毛傳士子

弟也。蓋據七月同我婦子。饁彼南畝之文。案書傳無稱子弟爲士者。若是婦子之子。經何以不云有依其子乎。子爲童穉。未能耕田。故但使之饁饌。士有噴其饁思媚爲丁壯。則任耕作矣。不得以士爲子也。其婦有依其士。有略其耜。皆形容之辭。箋訓依爲變云。婦子來饁饌。其農人於田野乃逆而媚變之。殆失其義矣。

臨衝閑閑

臨衝閑閑。崇墉言言。臨衝弗弗。崇墉仡仡。毛傳曰。閑閑動搖也。言言高大也。弗弗彊盛也。仡仡猶言言也。家大人曰。言言仡仡。皆謂城之高大。則閑閑弗弗。亦皆謂車

之彊盛弗弗或作勃勃廣雅曰閑閑勃勃盛也其說閑閑與毛傳異義蓋本於三家也

適追來孝

文王有聲篇匪棘其欲適追來孝箋曰棘急來勤也此非以急成從已之欲欲廣都邑乃述追王季勤孝之行進其業也禮器引詩作匪革其猶聿追來孝鄭注曰革急也猶道也聿述也言文王改作者非必欲急行已之道乃述追先祖之業來居爲此孝引之謹案欲猶古字通周官小行人其悖逆暴亂作慝猶犯適辭也毛鄭詩合者爲一書大戴禮朝事篇猶作欲考正曰案文選注引韓詩薛君章句云聿辭也春秋傳引詩聿懷多福杜注云聿惟也皆以爲辭助詩中聿曰適三字

互用禮記引詩聿追來孝今詩作迺七月篇曰爲改歲
釋文云漢書作聿角弓篇見明曰消釋文云韓詩作聿
傳於歲聿其莫釋之爲迺於聿脩厥德釋之爲迺箋於
聿來胥宇釋之爲自於我征聿至聿懷多福通駿有聲
通求厥脩通觀厥成通追來孝並釋之爲迺今考之皆
承明上文之辭耳非空爲辭助亦非發語辭而爲迺爲
迺爲自緣辭生訓皆非也說文有吹字注云詮詞也從
欠從口口亦聲引詩吹求厥脩然則吹蓋本文省作曰
同聲假借用聿與通詮詞者來往也孝者美德之通稱
承上文所發端詮而釋之也

非謂孝弟之孝

說見未卷
孝字下

言所以作此都邑者非急從

已之欲也乃士追前世之美德欲成其功業也前世之
美德故爲往孝猶言追孝于前文人耳來與往義相反
而此謂往爲來者亦猶亂之爲治故之爲令擾之爲安
臭之爲香也音語自今以往知忠以事君者與詹同呂

氏春秋上德篇作自今以來呂氏春秋察微篇自今以
往魯人不贖人矣淮南道應篇作自今以來是來卽往
也呂氏春秋淫辭篇自今以來秦之所欲爲趙助之趙
之所欲爲秦助之韓策顏率謂公仲之謁者曰自今以
來率且正言之而已矣史記秦始皇本紀曰自今以來
操國事不道如嫪毐不韋者籍其門皆謂自今以往也
大史公自序曰比樂書以述來古來古往古也

索隱來古卽古

來物此皆古人謂往爲來之證鄭說胥失之

以燕翼子

傳曰燕安翼敬也箋曰以安其敬事之子孫引之謹案

翼固訓敬然敬事之子孫不得即謂之翼子且此美武

王之庇其子孫非論子孫之賢也何須道其敬事乎文

三年左傳引詩曰詒厥孫謀以燕翼子杜注曰翼成也

魯語。鳥翼殷卵章。注亦曰翼成也。詩大雅美武王能遺其子孫善謀以

安成子孫正義曰翼者贊成之義故爲成也訓翼爲成

文義甚合蓋本於三家詩也表記亦引此二句鄭注曰

遺其後世之孫以善謀以安翼其子也正義曰翼助也

謂以王業保安翼助其子孫以上正義蓋與贊成之義同鄭

訓燕翼子爲安翼其子與箋詩異者作箋用毛詩注禮

用韓詩也正義以爲引詩斷章非也揆之文義表記注爲長。

經義述聞第六